

feriorem sito sublyrato basi amplexicauli cæteris linearibus integris brevibus, ramis pedunculisque glanduloso-pubescentibus, calyculi squamis adpressis triangulari-lanceolatis involuero quadruplò brevioribus, involucri puberuli phyllis linearibus uniserialibus acutis angustè albo-marginatis, ligulis intensè flavis concoloribus involuero duplò longioribus, acheniis angulatis sub 15 nerviis apice subattenuatis, pappo niveo deciduo achenii longitudinis.

Crepis interrupta Sieb. pl. Cret. exs. DC. Prodr. non Sibth. Flora Græca.

Hab. in rupestribus *Atticæ*, *Argolidis*, *Laconicæ* (Boiss. Sprun.), *Cretæ* (Sieb. Heldr.), *Zacynthi* (Margot.), insulæ *Cos* (d'Urv.).

Species pulchra toto cælo diversissima a verâ *Cr. interruptâ* Sibth. tab. 308 quæ *Barckhausiam Zacynthiam* DC. sistit.

CREPIS HIEROSOLYMITANA Boiss. (Sect. *Eucrepis*.)

Cr. perennis, radicis præmorsæ fibris longis tenuibus cylindricis collo glabro, caule imâ basi setuloso cæterum glabro supernè laxè corymboso-paniculato, foliis teneris lætè virentibus ad rachidem subtus parcè setulosis cæterum glabris radicalibus petiolatis lyrato-pinnati-partitis rachide alatâ integrâ segmentis lateralibus numerosis ovato-rotundis subintegris obtusis a superioribus ad infima diminutis terminali a basi subcordatâ ovato-oblongo obtuso subrepando, foliis caulinis inferioribus 1-2 lyratis basi dilatatâ amplexicaulibus rotundato-auriculatis, rameis linearibus abbreviatis, pedunculis glabris vel sub lente crispulè et minutissimè puberulis, calyculi squamis lanceolatis acuminatis laxiusculis involuero triplò brevioribus, involucri subfarinoso-puberuli phyllis lanceolatis angustè albo-marginatis acutis, ligulis concoloribus involuero duplò longioribus, acheniis subincurvis angulatis sub 11 nerviis supernè subattenuatis, pappo niveo citò deciduo acheniis longiori.

Hab. in rupestribus colium circâ *Hierosolymam* sitorum v. gr. in rupibus ad meridiem vallis *Hinnom*. Legi April.

Pedalis vel sesquipedalis, folia radicalia 3-4 poll. longa segmenta lateralia 4-6 diametro 3-4 lin. lata, terminale pollicem circ. longum, panicula et capitula *C. Sieberi* cui habitu et characteribus valdè affinis est et a quâ differt radicis collo non lanato, foliorum segmentis omnibus obtusis ferè integris rotundatis, calyculi squamis longioribus

acuminatis laxioribus inæqualibus, involucro et pedunculo parcè et farinosè nec glandulosè pubescentibus.

CREPIS MUNGIERII Boiss. et Heldr. (Sect. *Eucrepis*.)

Cr. perennis, radicis præmorsæ fibris tenuibus cylindricis collo glabro, caulibus pluribus subaphyllis glabriusculis infernè bifurcis vel a basi pluries et dichotomè ramosis folia vix duplò superantibus, foliis teneris lætè virentibus sub lente parcè setulosis runcinato-pinnatipartitis sublyratis petiolatis segmentis lateralibus numerosis a superioribus oblongis angulatis retrorsis ad infima triangularia diminutis terminali tantum duplò majori a basi truncato-subcordatà breviter ovato obtuso integro, foliis caulinis squamiformibus, pedunculis longis parcè squamulosis supernè minutissimè et crispulè puberulis, calyculi squamis breviter lanceolatis acutis involucro triplò brevioribus, involucri minutè glanduloso-puberuli phyllis linearibus acutiusculis, ligulis intensè luteis concoloribus involucro duplò longioribus, acheniis subincurvis sub 15 striatis utrinquè subattenuatis pappo niveo citò deciduo brevioribus.

Crepis Reuteriana var. *minor* pl. Cret. Heldr. 1847.

Hab. in quercetis montis *Idæ* suprà *Vorisa* alt. 3000-4000'. (Heldr.) Folia 2-4 poll. longa segmento terminali 5-7 lin. longo cæteris minoribus, caules cum pedunculis 4-6 pollicares, capitula magnit. eorum *Cr. Sieberi* cui affinis est et a quâ caulibus pluribus a basi bifurcis sæpius 2 rariùs pleiocephalis infernè glabris nec setulosis, foliorum lobo terminali aliis vix majori, radicis collo glabro, calyculi squamis acutioribus, etc., sat differre videtur. Hanc erroneè primùm retuleramus ad speciem sequentem diversissimam caule elato ramoso, foliorum segmentis acutis, involucri phyllis demùm dorso induratis.

CREPIS REUTERIANA Boiss. (Sect. *Eucrepis*.)

Cr. perennis, radicis præmorsæ fibris tenuibus cylindricis collo glabro, caulibus erectis infernè glanduloso-hirtis cæterum glabriusculis paulò suprà basin dichotomè et strictè ramosis laxè corymboso-paniculatis, foliis ferè omnibus radicalibus plus minus præsertim ad costas pubescenti-glandulosis petiolatis runcinato-pinnatipartitis lyratis segmentis retrorsis oblongis vel triangularibus acutissimis integris terminali basi truncato triangulari aliis 2-3 plò majori, folio caulino uno al-